

本书出版得到国家古籍整理出版专项经费资助

清代吏治史料

线装书局

官员管理史料 四四

清代吏治史料

綫裝書局



經題講官少保兼太子太保保和殿大學士兼管吏部戶部尚書事加四級臣張廷玉等謹

題高遵

旨議奏事該臣等議得戶部咨稱署理蘇州巡撫事務通政使司右通政喬世臣以江寧府知府李如蘭承辦雍正八年上運一半額銅奉部照江浙之例寬限四個月於雍正九年八月內起解部繳嚴催未提辦到所有江寧府知府李如蘭延延職名相應開列咨部核議移咨吏部議處等因前來查定例報解銅勅初次逾限將承辦官革職留任戴罪承辦等語應將承辦遲延之江寧府知府李如蘭照例革職留任戴罪承辦至此案之委辦各上司例有處分應行令該署撫查明補奏到日再議恭候

題請

旨雍正十年二月初五日題本月初七日奉

旨依議

巡撫四川等處地方提督軍務都察院右叅都御史降三級留任臣憲德謹

題為報明丁憂事該臣看得紀州府屬雷順縣知縣俞起運係河南衛輝府汲縣人由廩生保舉奉

旨命往四川以知縣試用委署雷順縣印務於雍正七年九月二十五日到任試用年滿經臣

題請寬授在案茲據布政使高維新詳報該員繼父俞法燾於雍正九年八月二十日在籍病故

該員於雍正九年十月十九日在任聞訃例應丁憂取具印信甘結詳費前來臣覆查無異除結送部外理合

題報其所遺員缺咨臣於發川試用人員內酌量委署試用另疏彙

題合併陳明臣謹具

題伏祈

皇上勅部查照施行謹具奏

閏雍正九年十二月初七日題十年二月初七日奉

旨吏部知道

巡撫四川等處地方提督軍務都察院石會都御史隆三級留任臣查德謹
題為報明丁銀事該臣查得瀘州屬江安縣試用知縣劉庶垣係雲南永昌府保山縣人由廩監生
年授貢領卷赴部引

見奉

旨命往四川試用先經委署嘉定州屬榮縣縣丞後經離任又委署瀘州屬江安縣印務於雍正九年
七月二十二日到任今伊親母尹氏於雍正九年七月十一日在籍病故該員於雍正九年十
月二十二日在任聞訃例應丁銀茲據署布政司事輝鹽道余事曹源邵按察使劉應鼎詳據
署瀘州事叙永同知馬世藻詳稱該員居官勤慎聽斷明白洵為實心辦事之蜀請將該員劉
庶垣照例給假四籍治喪事畢仍回川省試用等情前來臣查川省事務繁多在在需人今該員
歷經委署居官尚屬勤慎辦事亦頗明敏理合
題請將江安縣試用知縣劉庶垣照例給假四個月四籍治喪事畢仍赴川省試用庶委用有人
於地方公務實多裨益臣謹合詞具

題伏祈

皇上睿鑒勅部議覆施行臣等未敢擅便謹題請

旨雍正九年十二月十八日題十年二月初七日奉

旨該撫既稱劉庶垣居官勤慎聽斷明敏洵為實心辦事之員著照所請給假料理喪事畢仍回川
省委用該部知道

巡撫甘肅寧夏臨鞏等處地方管理軍務兼理茶馬都察院右副都御史加四級紀錄一次臣
許蒼謹

題為報明丁憂事該臣看得在甘肅候委用知縣張修五前於河南鹿邑縣任內經河東督臣遵
旨揀選咨送來甘差委辦公經臣檄委該員管押秦州運廟料豆茲據署布政司趙提元詳稱該員
自秦赴程已抵蘭州過到家信知親母朱氏於雍正九年九月二十八日在籍病故該員於十
二月二十九日聞訃例應丁憂并稱北直山西河南三省送甘人員奉有

恩諭未經題補之先俱准筭俸則該員雖未及補用定與見任官無異相應呈請會

題等情前來復提該員面稟止有一兄已經身故並無兄弟並請回籍守制情詞懇切當將該員管

押豆石委員接管押運前往應聽該員照例丁憂回籍守制除原籍地方官印甘各結飭司查
取至日送部外所有河南揀選送甘知縣張修五丁憂日期會同署督臣查郎阿謹題請

旨雍正九年十二月初七日題十年二月初七日奉

旨吏部知道

巡撫廣西等處地方提督軍務兼都察院右副都御史駐劄桂林府兼職留任臣金鉉謹

題為詳報同知丁憂并懇

題請任守制事該臣看得代理思恩府事平樂府參領同知劉廷錫有嫡母張氏於雍正九年六月十九日在籍病故該員於雍正九年十一月十三日在任聞訃實係長子並無逆繼例應丁憂茲據布政使元展成會同署按察司事驛監道耿麟奇詳稱參嶺地方緊要需人彈壓該員久任粵西才具明敏辦事精細且現奉委領有銀兩估建百色城垣衙署營房甫經興工未便令其卸事詳懇

題留在任守制俟建造百色城垣衙署營房一有頭緒給假回籍料理等情前來臣查平樂府參嶺同知一缺係新設緊要之地界聯楚粵強隣雜處民頑地險必得能人彈壓先經督臣鄂爾泰會訊以梧州府同知劉廷錫才具精細亦有操持

題請調補參嶺同知嗣又委令代理思恩府事因右江鎮官兵移駐百色地方估建城垣衙署營房等項須得妥為辦理方無貽悞已飭令該員一面估計一面的領銀兩先行建造興工今據報丁憂合無仰懇

聖恩准令劉廷錫在任守制俾得盡重地工程要務均收得人之益再查雍正六年七月內奉

旨嗣後凡地方有司官有要缺賢員經該督撫題請在任守制者該督撫酌量給與假期俾其經理喪事以盡人子之心即於題請本內聲明具奏欽遵在案今劉廷錫現在委令監造百色城垣衙署營房如蒙

皇上俞允准其在任守制俟該同知辦理經手工程一有頭緒即給假五月給咨回籍仍報部查核
理合一併聲明臣謹會

題伏乞

皇上睿鑒勅部議覆施行謹題請

旨雍正九年十二月初十日題十年二月初七日奉

旨該撫既稱到廷場現要監修城垣等工苗裔重地工程要務須伊辦理著照所請令其在任守制
俟工程就緒照例給假回籍該部知道

巡撫貴州兼理湖北川東等處地方提督臣裕祿奏院右會都御史加六

陽府臣張廣泗謹

題為請降監生等事該臣看得黃平州知州蕭君柱自首托人代考後得官一案先經臣據情結疏具

題嗣准部咨奉

旨蕭君柱觀望至今始行自首著詢問該督撫蕭君柱若係才能出衆之勇著革職從寬留任如係尋常供職即照例革退欽此臣查蕭君柱任事四載以來操守尚屬謹飭循分辦理職守事宜雖無貽誤但人本中平資性遲鈍實非才能出衆之勇應即照例革退臣隨將緣由咨會督臣鄂爾泰核奪去後接准督臣覆稱據臣會題等因除一面飭着蕭君柱離任候

旨外緣遵

諭旨均同奉理相應核實

題覆臣謹會

題再查該員蕭君柱有祖母武氏於雍正九年七月十二日在陝西三原縣原籍病故該員係承重長孫例應丁憂旋布政使常安詳報前來臣覆另疏具

題外合併陳明統祈

皇上睿鑒施行謹會題請

旨 雍正九年十一月二十九日題 十年二月初七日奉
旨 欽此 既稱藩君柱賢非才能出眾之員著照部議 著
職該部知道

經筵講官少保兼太子太保保和殿大學士兼管吏部戶部尚書事加四級臣張廷玉等謹
題為奏

聞事該臣等議得禮部咨稱二等侍衛侍衛班領巴肅阿奏稱奴才此次前往朝鮮隨去通官等到
朝鮮交界沿途將擾胡行累行禁約不能看來甚不合理奴才拿到寓所綑縛打回來時沿
途並無生事奴才初次差往外國使如此行事敢不奏
聞等因具奏奉

旨此奏可嘉着該部察議具奏欽此抄出到部查凡出使朝鮮大臣官員例有高麗通事隨去承應
本年十月內大理寺少卿巴得保等前往朝鮮本部照例派出六品通事常父等隨往承應伊
等均係職員相應咨送吏部等因前來查凡出師官員理應奉公守法毋致生事擾民方
為稱職今通事常父等隨往朝鮮乃沿途騷擾胡行殊屬溺職應將六品通事常父德昌八品
通事倭赫均照溺職例革職無品通事徐宗孔照溺職例革退通事恭候
命下臣部遵奉施行臣等未敢擅便謹

題請

旨雍正十年二月初六日^題本月初八日奉
旨依議

駐劄長沙府城巡撫湖南等處地方提督軍務兼理糧餉都察院右副都御史加二級臣趙弘恩謹

奏為恭謝

天恩事伏念臣一介庸愚荷蒙

聖恩畀以巡撫重任夙夜捫心寸長未効前因未陽縣民陳文禮造賣紙牌拏獲審

題乃蒙

聖恩紀錄二次聞

命自天威激無地惟有益勵冰兢定心効職以仰報

高厚隆恩於萬一耳臣謹恭疏

奏謝謹具奏

開維正九年十二月初七日奉十年二月初八日奉

旨該部知道

巡撫山西太原等處地方提督馬門等開軍務兼理雲鎮都察院右副都御史加一級紀錄五
次臣覺羅石麟謹

題為通

旨查審事該臣查得接准刑部咨開正紅旗副都統署理刑部侍郎事務韓光基等查

奉華職滿州府知府劉登庸等貪婪不法案內失察之該管各上司職名查明補奏等因經部議

覆奉

旨依議欽此欽遵移咨到臣臣隨行擬布政使蔣洞等將各職名開報前來臣查失察屬員劉登庸

樊錢偉等婪贓各上司隆通同劉登庸梁應宸等納賄之原任平陽府知府樊錢偉已於本年

革職擬罪又劉登庸製辦駝鹿私派捐輸一款前經臣另案

題恭臣登布政使蔣洞失察之處欽奉

恩旨免議外其餘劉登庸等婪贓各款係雍正六年二月以後至雍正八年十月二十五日以前之

事臣失察之處經部議覆欽奉

恩旨寬免欽遵在案所有同城失察之前任休致河東道希弘喬並不同城失察之前任按察使今

陞布政使蔣洞前任按察使朱筠又現任布政使蔣洞各職名相應

題恭再查河東道楊應琚係雍正八年十月二十六日到任劉登庸等婪贓在先職名應免開報

謹

題請

旨雍正十年正月二十五日題二月初八日奉
旨該部察議具奏

太子太保兵部尚書兼都察院右副都御史總督河南山東等處地方軍務督理學田兼理河道加十三級臣田文鏡謹

題為特恭遵命狂妄之縣令等事竊照縣令一言職司命社人命案件自當秉公相驗遵例通報及被訪者委官驗審亦當靜候察覈豈容出言不遜挾制上司如濰縣知縣鄒孟復之甚者也有候選州同陳朝棟家婢女小鳳姐身死在井該縣竟不驗報究明致死根由掩埋結案訪得該縣受賄數百金死親鄉地原差吏行無不分受賄囑行掩按察使唐綏祖詳委高密縣知縣蔣之蘭檢驗屍體委係被毆身死檢有一十四傷批行按察司審詳在案又查得鄒孟復突赴山東省城直入撫臣官廳大發狂言稱孫登萊青通劉柏其票到臣禹密蔣令迎合劉道悅造傷痕倡言於衆希圖掩滅受賄寔情也孝楊振誣職上官大非體統降鄒孟復受賄確情是在通付飭令兩司另行秉公確審詳奏外似此革管人命諱匿狂妄之縣令先當特疏題恭請

旨革職以肅

功令者也提司道府揭報相符除行司隔印看外臣謹會同山東巡撫臣岳濬令詞

題恭謹會題請

旨雍正十年正月二十三日題二月初八日奉

旨這所恭鄒孟復著革職其受賄匿命誣職上官等情著該撫一併嚴審定擬具奏該部知道

巡撫貴州兼理湖北川東等處地方提督軍務都察院右僉都御史加六級紀銓一次駐劄貴陽
陽府臣張廣泗謹

題為報明丁憂事該臣有得貴平州知州蕭君桂係陝西三原縣人由監生捐納於雍正五年二
月內選授今職於五月二十六日到任緣伊祖母武氏於雍正九年七月十二日在家病故經家
屬蕭懷恩報明原籍三原縣取有印甘各結移送黔茲據布政使常安詳據該府知府朱來
啓查明該員並無伯父及伯父之子妻係承重創應丁憂等情由加具印結粘逆詳報前來臣
覆核無異除將各結分送部科外臣謹會

題伏乞

皇上睿鑒勅部查照施行謹具奏

聞雍正九年十一月二十九日題十年二月初八日奉

旨吏部知道

經建請官少保兼太子太保任和教大學士兼管吏部戶部尚書事加四級臣張廷玉等謹
題為特揭匿情等事該臣等議得刑部各稱任湖北巡撫魏廷珍以黃安縣通詳吳子先被盜
刺殺身死獲犯鄭興周等並先後劾恭該縣原任知縣賈多男與史跡引捕誣拿良民夾審監
斃一案前因四個月限滿未提審解經臣查取遲延職名咨奏在案今二卷之限已滿仍未確
審招解將二卷限滿承審遲延之黃安縣知縣鍾興題恭再提該司詳稱此案頭緒不清誣良
之弊各犯隱伏甚深如拿獲監斃吳六郎吳明方失事之夜尚在河南正陽縣歇店有印信店
簿足據及同行貿易之王希賢等實証明確則監斃之吳六郎吳明方並非正盜則盜夥止有
已故之霞存現在之鄭興周兩人今欲究夥盜確數應惟與周是問而與周乃極密愚無知口
供不明既不能供明原上盜者另有吳六又不能指出非係監斃之吳明方同夥惟以是夜家
黑原未認確為詞以原供上盜之鄭興周而不知有吳六則吳六殺人四字遂何風聞於幼僧
古三光之耳又恐何出自典史陳引緒之口該縣嚴結古三光明與陳引緒彼此互推古三
甫十五光明年僅十三均未及歲律不拷訊盜首霞存又已身故事關立斬案示重案各犯供
情游移現犯鄭興周又無賊據無定擬為正盜寔難懸揣夥盜確數亦難定誣良致死根由
是以驟難完結以致遲延相應照例陳明原抄送吏部議等因前來 查定例承審重大案
件二限必不能完結者許該督撫於二卷限滿題恭時即將種種難結緣由疏內聲明將承審
各員革職留任再限四個月審結等語今該撫既稱此案頭緒不清各犯供情游移現犯鄭興
周又無賊據無定擬為正盜并難懸揣夥盜確數亦難定誣良致死根由是以驟難完結以